

丁文誠公奏稿

丁文誠公奏稿

卷之十二目錄

額懇暫停

躬送

梓宮摺

光緒元年八月二十二日

疏濬運道摺

光緒元年九月初一日

黃河南北兩隄三汛安瀾摺

光緒元年十月初一日

籌辦海防摺

光緒元年十月初一日

設立機器局摺

光緒元年十月初一日

特保馬映奎片

同日

疏洩沮河修築挑壩片

光緒元年十二月二十日

預籌隄防經費並修壩工片

光緒二年正月二十九日

沿海種樹片

光緒二年二月初八日

校閱水師摺

光緒二年五月初七日

查閱海防礮臺摺

光緒二年五月初七日

請獎德國兵官瑞乃爾片

同日

挑溶新舊泗河片

光緒二年五月二十九日

修築濮州護城隄片

同日

挑練兵勇聽調摺

光緒二年閏五月十五日

河水陡落非因旁洩片

光緒二年七月初二日

升授川督謝恩摺

光緒二年九月三十日

機器局置器造廠規模大備摺

光緒二年十月初三日

機器局用款報銷摺

光緒二年十月初三日

保獎機器局員片

同日

請獎會昭吉片

光緒二十二年十月二十三日

四子體成中式舉人謝

恩摺

光緒二十二年十月二十四日

調會昭吉赴川片

同日

頒賜御製詩文全集謝

恩摺

光緒二十二年十月二十五日

頒賜欽定勦平粵匪擒匪方略謝

恩摺

光緒二十二年十月二十五日

年十月二十五日

額懇暫停

躬送

梓宮摺

光緒元年八月二十二日

奏爲憑忱額懇恭摺密陳仰祈

聖鑒事竊

臣

前恭閱邸鈔內閣奉

上諭本年九月十八日

穆宗毅皇帝

孝哲毅皇后梓宮奉移

山陵前經降旨朕奉

慈安端裕康慶皇太后

慈禧端佑康頤皇太后躬送茲據禮親王世鐸等奏合詞

額懇暫停恭送欽奉

兩宮

皇太后懿旨覽奏深增悽愴梓宮暫安隆福寺行宮日月
有時山陵卜吉追維往昔悲感曷勝若奉移之際不獲親
臨一視中懷倍增慘怛皇帝尙在沖齡侍奉偕行沿途藉
資保護王大臣毋庸固請欽此朕仰承

慈訓曷敢有違所有恭送

穆宗毅皇帝

孝哲毅皇后梓宮奉移

山陵仍著各該衙門欽遵前旨敬謹辦理等因欽此仰見
我

兩宮

皇太后吳慈篤眷

皇上至孝性成莫名欽感臣曷敢妄有瀆陳惟思

聖人作事本乎至誠而時勢有常變之不同斯行止有經權之互異現在英人以滇事嘒瀆糾邀各國兵船多隻停泊津沽來意雖未見惡亦未盡善况現探煙臺停泊各船復有數隻開赴天津各處該各國隱懾

天威決不敢妄有舉動而犬羊之性亦須防其未然臣等遠隔封圻值此異族逼處竊念

鑾輿駐蹕郊原雖宿衛益加整嚴扈從悉皆精銳實爲夢寐所不安且津郡距

山陵道里不甚懸遠以外洋兵船麇集萬一狼豕野心小有不馴在

聖主威福齊天安如泰峙但恐傳聞或誤偶有震驚亦屬
臣等之大罪再四思維如各該國兵船一時未退惟有仰
懇

皇太后

皇上勉抑哀思酌經從權上遵

聖祖成憲俯准前禮親王世鐸等所請暫停

躬送俟

山陵永遠奉安有日再行

親臨顧視以示尊嚴而防覬覦所有

微臣 懔忱懇懇緣由

謹恭摺密奏伏乞

皇上聖鑒謹

奏

疏濬運道摺

光緒元年九月初一日

奏爲會同籌議山東運道酌擬疏濬以利漕行恭摺覆陳
仰祈

聖鑒事竊臣國荃臣寶楨於光緒元年七月十五日先後
接准部咨欽奉

上諭御史劉瑞祺奏請飭籌修運河一摺著直隸兩江山
東河南各督撫漕運總督河東河道總督體察全河情形
應如何設法疏濬俾利漕行之處妥籌具奏等因欽此伏
查河運一事歷代經營至數百年南漕始能徑抵通州略
無阻滯以現在大局而論誠爲不可廢之良法自咸豐五
年黃河北決銅瓦廂由張秋穿運入大清河挾汶東趨運

道因致梗阻時以軍務方殷未暇修治又值南漕停運遂忘其害至同治四年試辦河運始議疏濬運河因張秋北至臨清之運河所有濟運清水爲穿運之黃水所奪別無清水可灌不得不待黃濟運故漕艘必候汎渡黃而穿運之黃流又南移至安山距張秋幾六十里支溜分歧一歲數變以致運道節節淤阻漕艘未渡以前更須繞走東西兩坡湍激淺澀其險不一汎期之長落久暫不同舟行之先後通塞頓異猶幸米數多不過十餘萬石船數多不過五六百隻得以設法浮送無誤重運現在南漕酌議加增運道自當預籌修治以期漸復舊規臣國荃於四月下旬甫經履任卽值豫境黃汎將臨籌防緊要於所轄山東運

河尙未躬親履勘當卽周諮博訪先將大概情形與臣寶楨函商臣寶楨歷年籌辦疏運利漕事宜於東省黃運交涉之處知之較悉復查東境運河南自江南交界起北至直隸交界止計程一千一百餘里其受病固在張秋穿運之處而穿運處之渡黃尤爲運道關鍵臣前以穿運之溜漸向南移上游時虞南決若任其南決則南陽徵山各湖悉成淤墊而南路運道之壞其弊轉甚於北蓋北路多係河身河身消涸尙可以疏濬南路所恃湖水湖水淤墊則萬難挑復坐使

國家久遠至計廢於一旦關係實深故頻年來堵塞侯家林議辦石莊戶均於上下游接築長隄所期南北兼籌冀

以東橫流而顧運道耳查自上年接築王家垓以下新隄以達於十里鋪所有安山三里鋪頭道樓城水坑等處穿運之支流俱已無水計保運道約五六十里並西坡涸復民地亦萬數千頃自今春堵合賈莊決口並接築南隄以屬於十里鋪所有侯家林霍家橋張家支門向爲黃溜經行之處皆已無水河流內涸出之民地又將二百餘里而運道多一重門保障似較完固現在黃水穿運僅在十里鋪至八里廟之十餘里較前祇有十分之二三惟此十餘里之姜莊尖河莊兩段運河淤塞過甚此時黃水北流雖深挑亦必旋淤徒糜工費將來漕船經行此地水大則由西坡林家壩田家灣道人橋順流而至八里廟渡黃水小

則由東坡石家橋李家壩晉城溯流而至張秋入運比從前均較便捷此在北穿運之患現在略愈於前數年之實在情形也至南路之沿運諸湖向爲水櫃以資蓄洩自咸豐三年豐工漫溢北注湖河致泖河應之彭口十字河沙山衝入運河而舟行須繞走徵山湖運河應之十八水口十二單關石工坍入運河而舟行又須東繞獨山湖棗林仲淺各閘之運河淤墊而舟行又須繞走西坡至新店始能入運曲折紆迴耽延時日計行運之河間段淤塞蓄水之湖隨處行船於蓄洩機宜已無把握至前歲石莊戶漫決之水經兩年伏秋盛漲之時河湖聯爲一片致將徵湖之湖口雙閘及朱姬馬令三里各減閘石工多已衝壞現

在不能堵閉收蓄湖水既恐八閘以下之運河無水接濟而坡地前可通舟之處亦必一律受淤非趕緊分別籌辦漕艘恐難暢行此在南受淤之患現在較甚於前數年之實在情形也查運河之廢壞已非一日要其穿阻受淤莫非黃水之害先治黃而後治運一勞永逸之道也不治黃而但治運補苴苟簡之計也臣寶楨前屢奏黃流應復淮徐故道誠以黃水在北治運斷無長策第運道斷不可廢亦須亟宜規復但未治黃而祇求所以治運者多費實未免糜耗計惟有隨宜補救期於無誤漕行因各省漕糧雖議仍由河運而米數船數尙須逐年遞加卽運道工程亦可分年酌辦現在山東運河北路如故而南路受病情形

比往年較重自須先將微湖之湖口雙閘及各減閘趕緊修砌及時收蓄以保湖漕並將棗林仲淺西坡一帶淤淺之處察看是否尙可行舟運河正身亦應量爲挑濬惟公費較繁若須舉辦自應豫爲籌款以期於今冬明春一律辦成俟霜清後詳查估計奏明辦理至辦公必須用款東省本年興辦大工藩運糧道海關各庫羅掘一空實已無可籌畫將來估計工需若干惟有籲懇

天恩飭部及早預爲籌撥解工由臣國荃督飭道廳分別認真趕辦其北路穿運處應須挑濬事宜仍由臣寶楨查照每年辦法督飭各州縣核實辦理所需工費卽由本省竭力籌撥應用以上籌辦情形臣等往返函商意見相同

臣國荃擬俟霜清後卽當前赴東省查勘設立廳汛情形再將應辦運道事宜會商臣寶楨詳細籌議月摺陳明所有酌議疏濬山東運道緣由謹會同河東河道督臣曾國荃合詞恭摺覆奏伏乞

皇太后

皇上聖鑒訓示施行再此摺係臣寶楨主稿合併陳明謹奏

黃河南北兩隄三汛安瀾摺

光緒元年十月初一日

奏爲黃河南岸新隄暨北面金隄本年經歷三汛現在節屆霜降通工穩固安瀾恭摺馳陳仰慰

聖懷事竊照本年春閒堵築荷澤賈莊大工並於上下游接築南岸長隄二百七十餘里以資防範合龍之時已屆桃汛其時各段隄工牽計不過十分之四誠恐趕辦不及經臣嚴檄承修各州縣添集民夫並飭監工大小委員曉夜督催無敢少懈當於六月初旬伏汛未至以前一律完工經臣驗收奏報在案其防汛事宜臣亦先期通盤籌畫因隄身縣長數百里逼近大溜且新築之隄根基甫定未可顧此失彼當卽飭派候補知府馬映奎會同東省留防

振字紳字培字各營統領督飭各營勇按段分派各專責成每里所守汛地比前數年加多至三四倍於畫分段落之中如遇異常險工仍令彼此互相協助兼以直隸境內隄身雖亦派有民夫防守惟於廂修事宜素未經歷復飭駐防大壩之培字營選派諳習工程營官隨帶勇丁前往直境專備代爲廂埽統計直東兩境沿隄汛堡星羅埽工櫛比上下游聯爲一氣毫無疏略應需料物經臣籌撥款項擇要設立總局分局卽派委馬映奎專司其事預籌寬辦以期遇險放手搶廂不致延誤並飭兗沂曹濟道潘駿文督同所屬沿河州縣酌定調撥民夫章程有險隨同搶護六月中大雨連旬爲近年所未有本境水勢極旺而上

游豫省來源疊淮河

臣

來咨萬錦灘節次長水至四五丈

之多奔騰下注致沿途處處漫灘直逼隄根著溜生險之處不一而足而大壩及池下之王潭富成范莊等處溜勢洶湧搜刷異常一日之間情形百變危險界於呼吸幸各營官督帶勇夫不顧生死齊心搶護料物亦能應手無論風雨一氣趕廂所有淘深墊塌跟進柴土加壓務期堅實到底竭二十餘晝夜之力始克平穩其霍家橋及沮河兩處係跨壓舊日行溜河身一二百丈之寬尤慮水由舊路衝齧更甚且沮河內塘存有積水益恐疏虞疊飭各該段防守之員格外加廂護埽以昭慎重至北岸金隄距溜稍遠臣已先期修補完竣復嚴飭委員會同東昌府知府程

繩武督同壽陽濮范東五州縣隨時調撥民夫盡力防護故水勢雖大卒能抵禦此六七兩月伏汛疊次異漲防守爲難之實在情形也七月中立秋以後水勢略平臣以秋汛爲日最長水力更猛於伏汛嚴飭沿隄加意嚴防七月底至九月初四十餘日水又疊漲數次溜勢迴環洶刷大壩仍十分喫重而南岸未見鬆勁北岸金隄臣復飛飭在工各員會同地方官相機竭力防護幸保無虞此八九兩月秋汛接續增漲防守之情形也現已節屆霜降通工一律鞏固安瀾據在工各員稟報前來臣查本年所築南岸新隄道里比前加增兩倍防汛營勇並未增多且係新隄土性多沙不比黃河從前老隄經歷數百年歲加修守易

於防護而防汛之人亦不比從前黃河設有專司應汛熟諳修防均係派撥營官營勇及各屬紳董民夫遇有險工惟知出死力以與水爭且值本年異常大雨來源盛漲防守之難實有數倍於往年者惟南隄關繫東南大局金隄亦北岸保障本年堵口築隄修補各費

聖主不惜百萬鉅帑始克有成曷敢不竭盡心力以保全功然當奇險疊生呼吸危迫之際雖在工員弁不避艱險奮力搶護實難語必有把握今歷三汛竟得普慶安瀾實皆仰賴

皇太后

皇上洪福

神祇效靈

臣

慶幸之餘倍深悚惕所有

大王廟各處應請

勅發藏香由

臣

祇領敬謹酬謝以答

神庥其在工文武員弁當溜勢湍激搜刷之時冒死搶廂
屢瀕於危均能奮身不避不無微勞足錄擬懇

天恩從優獎勵其餘尤爲出力各員紳容

臣

分別查明彙

同監修隄工各官紳續行奏請獎敘其千總以下武弁另
案咨部給獎用示鼓勵除將有無應辦事宜俟水勢歸槽
詳細察看另行核辦外所有黃河南岸新隄暨北面金隄
經歷三汛一律堅固安瀾緣由謹繕摺由驛四百里馳陳
伏乞

皇太后

皇上聖鑒訓示謹

奏

籌辦海防摺

光緒元年十月初一日

奏爲遵

旨籌辦山東海防謹將擬辦情形恭摺奏祈

聖鑒事竊

臣

前因籌辦海防當經奏調湖北道員張蔭桓

來東差委旋派赴煙臺會同登萊青道龔易圖總統師船
候補道李宗岱周厯口岸察度形勢密籌布置稟辦並令
張蔭桓赴津與北洋大臣李鴻章稟商一切茲據該道等
稟稱東省海防與他省異津滬閩粵皆有內河通海自以
通海之河爲海口重地應築礮臺嚴兵駐守東省情形則
南自莒州與江南接壤之海岸起迤至北海之海豐大山
口止皆係濱海扼要無可扼之區居中無適中之地蓋東

三府地形如人伸一臂陡入海中三面臨海處處可登內中惟鐵門關一處爲黃河通海之口外有攔沙大船旣不能入而黃河濁流挾沙輪船浮駛沙入其輪亦不能進現可毋須設防以節兵力此外自大山口起至鐵門關一段濱海皆係鹽鹵之地地瘠民貧村莊寥落上無所掠彼難駐兵自鐵門關迤南折東至萊州府之海廟一段內經利津蒲臺壽光濰縣昌邑掖縣六州縣海面名爲內海海濱多係平砂潮來則漫潮退則係一片陷淖而海水皆淺難入大舟故輪船由煙赴津皆由長山羣島北駛從不西繞以上各處似可無煩更顧自掖縣之海廟起至登州府城一段水勢稍深然輪亦不輕入可用師船時爲巡哨防

其撥兵登岸自登郡至煙臺一段爲東海最要之地聲勢極宜聯絡水陸均宜設防自煙臺至威海衛及成山一段輪船時相往來外國兵船多泊於此亦宜加意防範自成山南折而西迤至俚島石島金口繞嶗山而至青島膠州一段水勢雖深皆係小口爲內地船隻往來之區內惟膠州一口通內之膠萊河而島形散漫無險可扼輪船內駛距膠州河口尙有四十里卽不能進亦可陸地自行設防自膠州至莒州日照一段與江南之青口接壤皆係淺水非巨船可涉外人向不過問可不設防師此東省沿海海面之大概情形也今計東省海面應設防之處有三一曰煙臺煙臺爲通商口岸洋船聚集而與津門信息常通常

洋兩關皆歸宿於此勢不能不守然煙臺地勢山麓平坦無險可扼雖北有之罘島爲屏東有崆峒諸島爲蔽而相去皆極遼闊其居中扼要可以屯營之處惟煙臺山爲最然爲洋人環山而居一無隙地且山形不甚寬廣以之築立礮臺太爲蹙逼此外如八蜡廟山背尙可設礮臺而距崆峒島十二三里有奇距之罘島十八九里有奇開礮勢難相及且係孤懸東首與後山均不聯貫而煙臺無城郭圩寨其中居民皆商販聚集一旦有警勢必四散且華洋雜處亦難區分畫守而南山之背卽爲海面敵易包抄至之罘島沙隄橫亘之外皆屬海岸直達登州百餘里之內處處皆我後路自應慎密籌布茲擬於通伸岡設大座防

營駐兵三千人以固後路再於煙臺山下設一浮鐵礮臺
八蜡廟設一浮鐵礮臺之罾島之西設一浮鐵礮臺再於
之罾東首築一砂土曲折礮臺庶前後可以相顧我之輪
船亦可出可入可戰可守此煙臺之防也一日威海衛威
海地勢較煙臺似爲緊東三面皆係高山惟一面臨海而
外有劉公島爲之屏蔽劉公島北東兩面爲二口門島東
口門雖寬水勢尙淺可以置一浮鐵礮臺於劉公島之東
而於內面建一砂土礮臺海外密布水雷閉此一門但留
島北口門爲我船出入其北口門亦有山環合可以建立
礮臺計有三座砂土礮臺於內有二浮鐵礮臺於外則威
海一口可以爲輪船水寨輪船出與敵戰勝則可追敗則

可退而自固此威海之防也一日登郡郡城負山臨海水城直瞰海濱北有大嶺南有沙埂對面有長山島爲屏形勢較爲雄壯而蓬萊閣下海多暗礁自水城至長山島海面雖有四十餘里之遙鐵甲巨船不能入輪船卽能入而不能停故登郡之守又與威海煙臺情形不同應於城北之彈子渦山上設一砂土高式礮臺再於城南之砂埂上設一砂土圓式礮臺長山島西再設一曲折砂土礮臺與郡城相爲掎角而於近城要處密布阻船之物則郡城似可無慮此登郡之防也此則東省洋面要地形勢之大概也然則今日之防若直東奉三省合力併謀有鐵甲船五號中輪船十號小輪船六號分布於東之煙臺威海奉之

黑山灣爲北洋作一關鍵進則擊退則守可分可合此爲北洋計而東省之防亦在其中此策之一否則精選陸軍練習槍礮以分紮登州黃縣福山等處無事則分有警則合敵若登岸可以合擊敵若紛擾亦可肆應儻敵船直犯津門亦可以輪船載送赴援此爲東省自防計而實可以爲北防大局計此策之二然二者皆用費多而需時久此時饒力不及東省祇能自爲防則宜以登郡爲根基先置登郡之防再練陸軍二三千人駐守煙臺後山聯爲聲勢俟浮鐵礮臺可以成購再設煙臺海上之防俟鐵甲輪船大備再設水寨之防俟登郡築臺能於合式再議各處礮臺之防逐年而謀之分時而任之必使防一處得一處之

地利練一營得一營之兵力此策之三該道等意見相同繪具山東沿海全圖測量水勢深淺地形廣狹稟請鑒擇遵辦前來

臣維山東海防鞏衛

畿輔而沿海千餘里汪洋瀰漫無險可憑懸圖按索似多形勢緊湊之區及身歷海島登陟眺望切實研究始悉山勢風力潮力情形該道等擬於煙臺威海登郡布防尙合機宜惟所稱先設登郡之防似非目前所急蓋此時辦防應注意北洋兼顧東省

臣

詳細酌度應先將煙臺礮臺興

辦次及威海茲擬於煙臺通伸岡先築一圩沿牆置礮中屯陸師圩中設望樓安放走輪大礮復於八蜡廟築一圓式礮臺分內外兩層外層添設隔堆分布礮位內層仍置

設立機器局摺

光緒元年十月初一日

奏爲東省設立機器局製造軍火謹將試辦情形恭摺奏
祈

聖鑒事竊惟今日內地軍營多用外洋槍礮誠以其精利
靈捷便於攻守也惟旣用外洋槍礮必須外洋子藥而內
地所用皆取購於外洋爲費甚鉅且恐有事之時藥丸無
處購辦槍礮轉爲棄物臣是以設立製造機器局職此之
故前經派委道員張蔭桓赴津稟商李鴻章訪求製器之
法並訪悉上海機器局候選同知徐建寅熟諳情形當經
奏明咨調來東商辦現擬購辦製造火藥機器槍礮彈子
機器修整洋槍礮機器各一副卽就近省城外濼口地方

相度形勢酌買民地建設局廠開辦臣可便於稽查惟事屬創始並無成法可循現就津滬兩局章程折衷一是而徐建寅心思縝密志趣超卓臣近與商議一切均能實事求是尙無敷衍浮夸之習足資辦理卽飭派總司局務用專責成並派濟東道薛福辰會辦以備彈壓至三創辦機器從前本擬軍火槍礮同時併辦當經奏明委員出洋查看各國槍礮式樣藉資仿造頃因經費難籌且事由漸進始克專精現與徐建寅商明先造子藥俟子藥成後再購槍礮機器以爲製造槍礮之舉俾無旁鶩冀收實效槍礮既經緩造則委員出洋亦可暫緩以省經費惟設立機器製造局係地方應辦之事與海防無涉天津上海各處尙

係歸地方專辦此項經費似與北洋撥款無關臣曾函商李鴻章亦以爲然自當另行籌撥現擬飭司籌銀六七萬兩爲購辦機器及買地一切之用以後不敷之項容隨時奏明籌撥至此項經費應由臣督飭徐建寅搏節支銷工歸實用俟開辦之後每年於年終核明用數據實造冊奏咨報銷一次以憑考查所有試辦機器製造緣由謹恭摺具奏伏乞

皇太后

皇上聖鑒訓示謹

奏

特保馬映奎片

光緒元年十月初一日

再東省此時海疆緊要所屬登萊兩府最爲形勢喫重之區現擬規畫久遠加意設防期與天津互爲犄角所有創辦機器製造軍火修築礮臺以及一切應辦事宜均須次第布置使規模日擴漸成重鎮惟庶事草創全賴地方官得人方能措施裕如可寄干城之任

臣

屢於候補知府中

查看惟有道員用遇缺儘先題補知府世襲騎都尉兼一

雲騎尉馬映奎器局閎展明毅有爲該員於咸豐年間以

欽賜主事引

見荷蒙

文宗顯皇帝鑒其三世忠盡獎勵至再嗣又蒙

皇太后召見

溫諭優加並有好好學做官之

訓該員日以渥受

厚恩矢志圖報是以遇事實心講求在東省歷辦要差不避艱險勤能最著臣查其堅強真實之心勤苦果敢之氣實足勝任海疆要缺當此需才孔急臣爲地方人才起見謹據實密陳以備

朝廷異日之用實於海疆大有裨益伏乞

聖鑒訓示謹

奏

疏洩沮河修築挑壩片

光緒元年十二月二十日

再查東省沮河一道原係由曹州境內流入東平州境匯入運河自黃水穿運以後沮河自東平州境蘆莊以下卽歸入黃河合流頻年夏秋之時每虞泛溢沿河民地八九百頃全行淹沒本年新築南隄跨壓河身雖黃水不虞倒灌而沮河苦無出路爲害仍甚

臣

十一月初旬因祀謝

河神後親赴該處履勘目擊漫淹情形殊爲憫惻亟應設法疏洩當卽周歷詳細查看擬由蘆莊之東開挖河道十四里有奇卽可將沮水疏洩入運但須酌建涵洞一所以資啟閉運河方不致漫溢復飭核實估計工需約需實銀一萬四千餘兩又查現在大壩前黃河溜勢側臥東南必

須於賈莊及壩北之二三里外修築挑壩三四座以免兜溜核計築壩工費約需銀六千餘兩實係省之又省略無浮冒臣查此河每年淹沒民地八九百頃民生

國賦攸關必須亟爲辦理而賈莊等處挑壩亦必預爲籌辦方免他虞惟東省現在庫款支絀萬狀臣擬於臨清關撥銀一萬四千兩充沂道庫撥銀六千兩隨時解交務於明歲春融趕緊開辦以仰副

聖主勤恤民隱慎重河防之至意謹附片具陳伏乞

聖鑒謹

奏

預籌隄防經費並修壩工片

光緒二年正月二十日

再黃河自改道東省以來並未刷出河槽每屆汛漲東西奔突任其所之現在大局已成北流所有東省南北兩岸隄防與豫省河防同形喫重而修防情事似較之豫省尤爲至難何也豫省之隄歷經數百年歲有加修隄身堅實而修守之文武廳汛職有專司日日講求防護故修守亦能得法情形較易東省則北面金隄縣長一百六十七里二百餘年以來並未一加修補隄身久形殘壞而卑薄之處尤多至南面大隄二百餘里則係上年新築雖經去年伏秋兩汛搶護無虞然究係新工土性一切從未能十分堅定且一無廳汛管轄所恃以防護者僅賴地方委員暨

弁勇民夫素未練習防務遇有險工則惟恃料物足備各
出死力以與水爭情形較難然此時河已北流卽議設廳
汛亦非旦夕可辦轉瞬汛期迅至東省自不能不力籌保
護以重

國計而衛民生臣現擬於北面金隄除隄身殘缺各處已
於上年派員修築完固毋庸再行辦理外其餘稍形卑薄
及上年溜行衝刷之處實不能不普加修理緣此隄屏蔽
畿疆自應格外慎重刻已委員通體查勘切實估計共需
實銀三萬八千餘兩已飭司如數籌款委解並飭東昌府
知府程繩武暨分派委員督同地方官民按段加修期於
一律高厚以資抵禦至南岸隄身雖屬完整毫無損缺惟

黃水溜勢變遷水性湍激當三汛漲發之時衝刷情形瞬息百變必須刻刻加意隄防而一切搶護應需工料亦須應手不可稍缺查豫省河防道里遠近與東省不甚懸殊然現在每年節省估計案另案兩項共需實銀五十餘萬兩足見搶護用款之繁東省現在河勢隄身與豫省無異而辦防之人與修守之功又較難於豫省目前與防汛各員籌商均怵於前數年伏秋大汛之險僉謂南北隄段綏長數百里所有防汛工需必查照豫省成案始能濟事臣以爲當此經費萬難之際但使人力能爲可省則省何必拘泥成案因力排眾議定於南北兩岸防汛擬籌撥銀六萬五千兩爲購辦料物以備伏秋兩汛搶險防護之需

屆時督飭委員撙節妥辦惟所撥之款比之豫省防汛工需僅及十分之一省無可省當此帑項支絀不敢不力爲其難但恐屆期汎水過大月有意外險工用款萬有不敷不得不隨時酌量奏明籌辦臣惟有殫竭愚誠盡其心力之所能爲以期事事核實而於大局有濟用以上紓

宸廑再上年十二月初旬凌汎甚大賈莊大壩各處水勢擡高八尺有餘南北大隄防護無事惟賈莊以上各處護隄水堰以及所築挑壩均受冰凌及水溜衝突過甚急須趕辦春廂以禦桃汎臣已籌撥銀六千兩飭防汛之總兵李培榮戴鴻仁等購備各料督飭營勇趕爲加修合併陳明伏乞

聖鑒謹

奏

沿海種樹片

光緒二年二月初八日

再東省籌辦海防前經奏明於煙臺威海登州府城三處建築礮臺因煙臺爲通商口岸急須先行辦理臣現已於該處通伸岡審定地勢飭派山東委用道張蔭桓購辦料物一俟齊備卽行興工惟東省海面自南至北縣長三千八百餘里防不勝防卽所議三處礮臺亦第爲屏蔽天津門戶期於聲勢聯絡其實東省應防之處究不止此臣於此事自去歲至今日夜圖維急欲廣籌布置俾多得一處之益卽可省一處之心竊惟外洋之所恃者在船礮之堅利船礮之所恃者在測量之準的而測量之所恃者則全在於千里顯微各鏡之能視遠若使海岸俱有屏蔽令彼

不能遠視則測量之術窮測量之術窮則船礮之利亦不能獨勝又外洋所重在船礮必倚海而始盡其長我之所重在陸地但離海而卽易爲力卽如東省洋面三千數百里海岸一無遮護彼輪船來往其中登高一望內地悉爲所窺我卽沿岸設防而其船礮隨處皆可及遠隨處皆可對準我縱與之互攻其勢實未能相敵勢不敵而沿岸之防不可恃則我之海岸轉爲所據而內地亦俱震動矣臣再四籌思欲求海岸屏蔽之法莫如沿岸多種樹木蓋樹木易於生發但使栽種得宜數年之後樹身漸高枝葉漸密遠近二千餘里皆一望濃陰縱使輪船升桅遠眺亦無能瞰我虛實此時栽植樹木係地方民生應辦之事旣不

駭人耳目設異日倉卒有事卽於樹林之內築壘設防較之礮臺之彼此對觀毫無遮蔽者利鈍自覺縣殊臣審定之餘卽於去年十二月先行委員前往沿海各州縣會同該地方官於所管地界內詳細履勘一面將山林園廬民生所賴等語剴切出示勸諭沿海村莊紳民協同種植其所種各樹令以其地土所宜者爲準其種法則於橫列之處令各屬於各交界彼此連續接種不令空缺直處則以一排十株爲率縱橫均距八尺種植一株又令其於栽種之始分成行列不得稍涉參差現在東北自利津起至東南膠州止計應種樹海岸約計二千餘里俱經稟報定於正月二十五日內外開工興種其各屬紳民亦各踴躍趨

事似此情形約計三月內可以告竣臣擬俟種植數年後查看各樹均能長成再於樹株分行隔空之中實以沙土每年約加二三尺積之數年繼長增高所加之土下既可培養樹根上卽可以累成牆垣而且牆垣之上樹株林立仍是一片濃陰以之蔽其測量卽以之禦其船礮似較修築沙土礮臺動逾數十數萬旣省耗費而尤覺得力至沿海種樹臣亦深恐海岸鹽鹼之地於樹木不能相宜當飭令各州縣查詢沿海居民並相度土宜能否施種兼論何樹易生卽種何樹如實係鹼地不毛及海潮衝刷之區則稍爲縮入內地栽植其縮入之處亦須接續毋令間斷庶使二千餘里之海岸一體均可遮護至此次種樹各

屬以二千餘里之遙自履勘至興工時僅數月之久各屬均一律興辦且願捐備樹秧自出人力是各該地方府州縣之能順民心實力辦事而各屬紳民之情切奉公均屬可嘉臣擬俟稟報種齊後於三月內親往查驗再將出力捐樹之官紳百姓等分別酌予獎賞以勵將來所有東省海疆飭令沿海種樹以資屏蔽各緣由謹附片密陳伏乞聖鑒訓示謹

奏

校閱水師摺

光緒二年五月初七日

奏爲

敬臣

校閱登榮水師查驗艇船官弁兵勇水陸操防

事竣返省日期恭摺仰祈

聖鑒事竊

臣

於四月初三日出省十五日行抵煙臺登榮

師船先已傳集口岸該兩營經

臣

奏明改隸撫標後飭派

候補道李宗岱總統將備勤加操練並令兼習陸操延德

國兵官瑞乃爾教習洋槍及後膛各礮無閒寒暑期於技

藝有成

臣

此次親行校閱師船駕駛運掉極靈海港紛歧

之處足資得力舵工水手梟水緣桅闢捷舳板各技亦爲

近時師船所僅見所練鋼礮洋槍各隊步伐整齊號令嚴

肅槍礮所發悉能命中卽移之陸營輪船礮臺可期制勝

且爲時未久實賴該道李宗岱殫心講求不避勞怨故能具此規模現在船隻堅實其應行添置蓬纜繩錨旗幟號褂及歲修油艙之費臣當隨時籌款給發濟用務令乘此操練得力之際破除積習以成勁旅所有將備千把各員臣經逐一考校其本係實缺改爲署理及現經代理各缺容臣援案分別奏咨辦理其煙臺海防營洋槍隊訓練有年此次校閱士卒整齊操練尤見精熟臣校閱事竣卽於五月初五日返省經過沿途海口均屬靜謐除查閱海防礮臺詳細情形另摺具陳外所有校閱登榮水師事竣回省日期理合恭摺具陳伏乞

皇太后

皇上聖鑒謹

奏

查閱海防礮臺摺

光緒二年五月初七日

奏爲查閱海防礮臺詳細情形恭摺密陳仰祈

聖鑒事竊

臣

上年飭派委用道張蔭桓會同登萊青道龔

易圖建築通伸岡礮臺已據具報興工

臣

昨抵煙臺查看

形勢規模畢具沿山築圩高以一丈二尺爲式面寬一丈六尺底厚二丈一尺周二百九十五丈東北臨水最要之地添建圓式礮臺上下兩層上層露天足以安放走輪大礮下層分別礮門中設隔堆及兵房藥房均做太平蓋內嵌鐵板亦與西法無異圩東一面建小護臺三座以備接應聯屬東南一面建圓式礮臺一座仍如前法做太平蓋兵房藥房隔堆圩南池西建設營門一座門外加外圩一

層西南一角建露天礮臺一座正西建護牆小礮臺兩座
西北建露天礮臺一座此外沿牆一律建設護牆槍牆以
資屏蔽一切工程悉用三合土築造建望樓於東北隅兼
用輒石臣詳細察勘東北一臺可以顧海口東南西南兩
臺可以顧後路西北一臺可以顧沙隄及之罘陸路四面
輔以護臺核與臣原奏爲陸師屯紮之區誠爲得地該道
等經臣指授籌度地勢講求新式俱合事機綜核工程躬
自督役尙能事事踏實毫無虛飾臣復查圩北之垛山相
距二里許足相犄角擬令於山腰添建一臺圩東田腔之
隈添建小礮臺如礮堡之式已飭該道等購買地畝妥籌
稟辦其八蜡廟之罘東莊兩處臣乘坐輪船周歷履勘亦

煙臺口門必守之地上年籌辦海防摺內業已聲明將來築此兩臺更可與通伸岡現築之臺互相援應容臣統籌饒力次第舉辦所需礮臺經費臣前奏先就東省各庫撥銀四五萬兩已飭東海關撥解常稅銀四萬兩設以後或有不敷容當酌籌續撥隨時奏報務令要工不致脫節俟工竣驗收後覈實造報臣查現在辦理情形實屬費省而工堅所有查閱煙臺礮臺緣由理合恭摺密陳伏乞

皇太后

皇上聖鑒謹

奏

請獎德國兵官瑞乃爾片

光緒二年五月初七日

再德國兵官瑞乃爾原在該國克虜伯礮廠熟精後膛鋼礮及快槍各操法並略悉中土語言前因登榮師船購買德國克虜伯槍礮資其試演因延雇瑞乃爾來東自派令教習兵隊以來口講指授不遺餘力且性情忠實約束各隊無少寬假薪工所餘輒以獎勵兵丁之勤奮者故操練未逾一年槍礮各技竟有十成實屬異常出力現擬訂立三年合同抽調本省馬步各隊俾令將槍礮一切教練盡其所長

臣查中國此時多用外洋槍礮必得外洋兵官教習乃期適用而外洋兵官能熟練槍礮者究亦不可多得聞或有之又不願受雇卽或受雇亦多不能盡力傳授概

屬虛文今瑞乃爾實心教練迥逾尋常當此用人之時似不可不稍加獎勵相應請

旨賞給三等寶星以示優異該兵官感戴

聖慈益思奮勉臣亦得收練兵之效且查直隸前雇德國

都司李勸協教練有成經李鴻章奏請

賞給二等寶星臣之所請事同一例除咨總理衙門外謹

附片陳明伏乞

聖鑒訓示謹

奏

挑濬新舊泗河片

光緒二年五月二十九日

再查東省舊有泗河一道發源於陪尾山經曲阜滋陽鄒縣迤邐入濟甯州境至瓜園分爲二股東股爲新泗河歷鄒縣而南至濟甯州再折而西西股爲舊泗河由瓜園分溜西行再折而南均由沙洲寺之泗河口入運會合汶水南流入海又沙洲寺南七八里有直接新泗河分溜一道名曰新河會白馬河水直入獨山湖溯自咸豐元年豐工決口黃河橫流二十餘年來泗河口迤南迤北約五十里蓮河隄岸至今全行衝毀張家橋至泗河口舊泗河約二十里河身淤如平陸其間有河形者不過十之二三每逢夏秋泗水盛漲漫溢旁趨並頂托奔騰之汶水倒漾分流

一由石佛開缺口入濟甯州東鄉之黑土店登豐里等處
一由新店入坡全注於濟甯南鄉各地方以致該州境內
三百數十村莊悉爲澤國議蠲緩者二十餘載小民陷溺
已久困苦堪憐同治七年該州居民於張家橋地方舊泗
河口攔築土壩一道以禦水患而上游鄒縣等處來源暢
洩無從鄒縣所轄新泗河係屬泗水分支東南岸橫河及
西岸李家河口等處地當坐灣頂衝迎溜頻年潰決亟應
次第趕辦以上各工從前疊據該紳民懇請挑修均因經
費難籌未曾舉辦本年江北漕糧仍歸河運所有石佛開
一帶殘缺運河隄岸已由河臣曾國荃勘估飭辦其張家
橋等處新舊泗河工程亦爲運道所關且目前天氣亢旱

水乏來源運河節節洩涸而二麥失收各處飢民嗷嗷窮苦不堪言狀民生

國計所繫甚重不得不於萬難措辦之中設法籌辦以濟運道而顧災黎現已將張家橋至泗河口二十餘里淤墊泗河並新河及白馬河入湖各十餘里淤塞河道一律挑挖深通再將民間所築橫壩啟除使各水暢行下注俾運道通順無慮淺阻而飢民獲此工作目前既可期安靖卽日後亦幸免浸淹據委員勘估應需工料實銀二萬五千九百三十兩四錢三分三釐逐加確核無浮當經飭司竭力籌發分派委員前往督飭紳董承辦監工並飭濟甯州督同經理河身挑出之土卽以培築兩岸隄堰俾資捍衛

現已據該委員等稟報興工臣仍嚴飭認真挑築總期工
歸實在項不虛糜以仰副

聖主軫念漕運賑濟黎元之至意除咨部查照外謹附片
具奏伏乞

聖鑒謹

奏

修築濮州護城隄片

光緒二年五月二十九日

再曹州府屬之濮州一城自黃水東趨後卽被淹沒歷十餘年所有州城文武均係借寄民圩暫作辦公之地迨同治十年黃流漸向南移城基復行涸出臣當飭前濮州知州葛恩榮重新建築俾復舊規以帑項支絀經費難籌臣督飭南運委員等竭力自行籌辦未嘗分毫挪動庫款歷時幾及年餘始將城身及外濠一律修竣頗爲堅實惟查州城緊臨大河北岸逼近黃流上年堵築賈莊新工於南岸建築長隄該州城池實形喫重若屆伏秋汛漲急溜迅湍駭浪澎湃城身被水搜淘時虞蟄陷岌岌可危上年經該州紳民拚死搶護得保無事今年爲日正長民窮力竭

更難措置且本年春旱該州二麥無收又係水套素爲賊匪出沒之所深恐飢民枵腹不堪流而爲匪經該州知州恩奎稟請修築護城隄一道一可以保衛城身使失所災民有所棲止一可以工代賑暫可安撫民心等情臣以該州全境多在水中小民每年專指春麥一季收成以資餬口今值亢旱異常麥旣無收而秋禾又無可指望實切隱憂不得不力從其請當經督飭該州相度地勢興築護城隄一道爲暫時補救之計計週圍共長一千三百三十二丈底寬五丈頂寬三丈高八尺在於司庫籌發銀一萬兩解交該州核實辦理目前飢民得此工作均各擔簦負耜苦力營生尙爲安靖卽將來大汛盛漲州城足資抵禦災

黎亦可免漂沒凡屬士民莫不頂頌

皇仁除咨部查照外所有籌款修築濮州護城隄以安災
黎而濟飢民各緣由理合附片奏報伏乞

聖鑒謹

奏

挑練兵勇聽調摺

光緒二年閏五月十五日

奏爲遵

旨挑選勁旅委員統領訓練以備調遣謹恭摺密陳仰祈
聖鑒事竊

臣

於光緒二年閏五月初八日承准軍機大臣

密寄欽奉

上諭飭令於各兵勇內挑選勁旅派委久經戰陣之員統
領無事則訓練有事卽聽候調遣尤須慎密措置不可稍
涉張皇等因欽此跪讀之下仰見

皇上聖慮深遠莫名欽服查山東省從前留防各營統計
振字一軍原留馬步隊六千餘人紳字一軍原留一千六
百餘人培字一軍原留二千餘人

臣

前因節省饟需暫將

各軍每營裁減二百人留三百人遇事仍行增足合計各軍每營裁去二百人外現在振軍所存四千餘人紳軍所存一千餘人培軍所存一千五百餘人通計三軍僅存六千五百餘人此外所有零星各營無多均係向來舊有之勇分紮於直江豫三省邊界爲巡緝之用如遇有事此項巡勇以各省界連寥闊又屬犬牙相錯不便調遣致令空虛所恃者僅此三軍六千五百人近日防汛及查擊馬賊梟匪均資得力茲欽奉

上諭臣自當敬謹遵辦現擬將各營兵勇認真詳加選練並將從前暫撤之每營二百人照舊挑補以足五百人一營之制核計每營兵數照原留並未增多而經費亦月添

無幾遇有要事即可獨當一路至統領之員現在振軍係原統之

記名提督王正起統領培軍係提督銜儘先補用總兵李培榮統領紳軍係提督用臣標中軍參將莫組紳統領此三員者皆係轉戰湘鄂粵皖陝豫直東多年身經百戰之員忠奮樸誠結實可靠臣當隨時勉飭激勵俾其志氣常伸臨事足備干城以期仰紓

宸廑所有遵

旨挑選兵勇派員訓練聽調各緣由謹恭摺由驛四百里密陳伏乞

皇太后

皇上聖鑒訓示再頃接東海關道龔易圖函稱威酋已由煙臺前赴上海聞有調集兵船之說此必爲虛聲動衆之舉然處此時勢釁端切不可自我而開如果該酋相逼而來臣等受

恩深重自當捐糜頂踵力捍

京畿夫人平居談虎則色變設一旦相值於狹隘之處勢必盡力搏擊虎雖猛驚度亦未能獨全凡事大率類然彼洋人輪船雖迅未必能飛越津沽至於陸路相持兵刃交接則彼族雖強而我之官弁兵勇亦視從前加勁該酋恐未能獨操勝算伏乞

聖懷稍慰

臣

無任悚惕懇禱之至謹

奏

河水陡落非因旁洩片

光緒二年七月初二日

再臣承准軍機大臣字寄光緒二年六月二十五日欽奉
上諭文彬奏漕船渡黃後水勢頓消未能全幫入運一摺
卽著丁寶楨督飭東昌府趕將聊城縣一帶坡水引入運
河以資接濟仍一面督飭道廳將河道再行挑挖深通俾
敷浮送至黃汎河水陡落是否來源微弱抑或另有旁洩
之處並著丁寶楨查明具奏等因欽此仰見我

皇上軫重漕河無微不至跪聆之下欽悚難名

臣

查河流

之旺弱全視上游各省雨水之多寡本年天時亢旱不特
山東一省爲然卽黃河上游晉豫各省亦復雨澤稀少水
乏來源遂致河流微弱本省自五月初旬至閏五月十七

日以前荷澤賈莊一帶黃河迭因水勢日落東灘淤背過
高大溜不能刷灘暢行下注全向新建北壩頭一帶隄內
坐灣入裏愈坐愈深以致南段隄壩埽占迭被搜淘根底
塌陷二百數十丈情形萬分危岌幸賴

聖主洪福所購料物各項應手而在事員弁力顧大局各
出死力以與水爭歷五十餘晝夜之久始得保全無事一
切搶護危險情形業經臣專摺陳明在案迨至閏五月二
十四二十五等日東省連得大雨山水坡水陸續匯歸黃
流藉得刷灘下注溜勢漸向北趨不特南段隄壩可以稍
緩搜淘卽河運漕船亦卽藉此挽行前進至二十九日幫
船十二起全數挽抵八里廟口門又於六月初七日查探

河水續漲開啟攔黃大壩挽拉各幫入運計自得雨後漕船行駛情形極爲順利奈驟漲之水來源不旺本難久持兼自二十四五等日得雨以後以迄六月中旬晴霽連朝並未續沾雨澤以致漕船尙未全幫入運卽已淺涸立形不能前駛是此次黃河漲發尙係一時雨水匯歸並非伏汛大至故一經啟壩立時暢洩無餘至於沿河隄岸均經臣嚴飭防汛各員弁晝夜認真防護實無旁洩掣溜之區除欽遵

諭旨督飭東昌府知府程繩武等趕引坡水入運以資接濟並將黃水過後新淤河身復行督飭挑挖深通一俟水勢續漲立即催趲各幫漕船飛速開行外所有查明河水

陡落實因來源較弱雨水消退並非月有旁洩緣由謹遵
旨附片覆陳伏乞

聖鑒謹

奏

升授川督謝恩摺

光緒二十二年九月三十日

奏爲恭謝

天恩額懇

陛見仰祈

聖鑒事竊臣於九月二十八日接准部咨欽奉

上諭李瀚章仍著調補湖廣總督四川總督著丁寶楨補授山東巡撫著文格調補雲南巡撫著潘鼎新補授欽此跪誦之下感悚難名當卽恭設香案望

闕叩頭祇謝

天恩伏念臣黔南下士才識庸愚自同治初年疊被

殊恩由知府洊擢藩臬補授東撫十載從公愧涓埃之未

報五衷循省正兢惕之方深茲復渥荷

寵錫畀任川圻聞

命自

天悚惶無地查川省幅員遼闊壤接邊陲極難控馭而民風吏治在在均須整飭兼以民教滋事之案層見疊出辦理尤貴協宜始能顧全大局臣之愚昧懼弗克勝惟有籲懇

天恩俯准

臣

趨赴

闕廷面求

聖訓俾得上秉

宸謨一切有所遵循庶幾勉竭駑駘稍冀仰答

高厚鴻慈於萬一至

臣奉

旨後卽應交卸迎摺北上新任撫

臣

文格到任需時所有

巡撫篆務應否飭交藩司李元華暫行護理之處伏候

聖裁所有

微臣

感悚下忱並懇請

陛見緣由謹恭摺具奏伏乞

皇太后

皇上聖鑒訓示謹

奏

機器局置器造廠規模大備摺

光緒二十二年十月初三

奏爲山東創設機器局購置機器蓋造廠房規模全備恭摺仰祈

聖鑒事竊

臣

上年曾將東省設立機器製造局試辦軍火

派道銜候選郎中徐建寅總司其事並派按察使銜濟東

泰武臨道薛福辰會同辦理各緣由歷次奏明在案

臣初

與徐建寅薛福辰等商辦之時卽謂東省設立此局實爲
自強起見非徒增飾外觀所有一切建廠造屋及備辦機
器並將來製造各項均須自爲創造不准雇募外洋工匠
一人庶日後操縱由我外人無從居奇乃於

國家有利徐建寅等頗解

臣

意當開局之初先在省城外

濠口池東相度形勢高亢之區價買民地三百餘畝一面
委員採買木石雜料復開窑自造甄瓦於去冬先落成工
務堂一座以資委員司事人等辦公棲止旋飭赴滬定購
外洋機器物料雇募本地各色熟手工匠並飭調來閩省
之萬年青輪船載運該員徐建寅於今春二月間回東後
續卽興工建造各廠屋工料齊備人夫輻輳而委員司事
人等亦復督趨勤勞寒暑靡閒自春及秋業將機器廠生
鐵廠熟鐵廠木樣房畫圖房物料庫東西廂文案廳工匠
住房大小十餘座一律告成其火藥各廠如提硝房蒸磺
房煅炭房以及礮炭房礮硫房礮硝房合藥房礮藥房碎
藥房壓藥房成粒房篩藥房光藥房烘藥房裝箱房亦次

第告竣其各廠煙筒高自四十丈至九十丈大小十餘座亦俱完工外國購到機器亦陸續運東徐建寅躬親布置裝配一俟內地採買硝硫煤炭各料購齊卽行分別開工製造核計全廠告成爲期不逾一年辦理既速撙節尤多將來著名利器如格林克虜伯各礮林明敦馬氏呢等槍均可自行添造不必購自外洋雖自強之本原不在區區末藝亦見我中國技巧幾與西人之累世專攻者等風氣旣開未始不日有起色也臣統籌此局就現時情形而論其利確有數端設廠內地不爲彼族所覬覦萬一別有他事仍可閉關自造不致受制於人利一也附近章邱長山等縣煤鐵礦產素饒民間久經開採但就內地採料已覺

取資無窮縱有閉關之時無虞坐困利二也秦晉豫燕湘鄂各省由黃運溯流而上一水可通將來製造軍火有餘可供各省之用轉輸易達利三也從前中國各廠雇用洋匠少或七八名至一二十名每名工值歲費二三千金統計各洋匠一歲所費已逾鉅萬而招募路程有費死傷卹賞有費遣散舟資有費加以該洋匠等墨守師法不肯略爲遷就往往一材一料稍不中於繩墨卽在屏棄之列甚或營造及半忽然變計重復毀改虛糜工料極多此皆由本局無深明機器之人故一切受制於洋匠今該員徐建寅胸有成算親操規削一人足抵洋匠數名猶復估料程功力求撙節綜覈精密人不能欺故一切皆歸實用不稍

虛糜又因粵匠工值較昂專雇浙江直隸熟手工匠而招東省土著心地明白之人相間學習是以勤奮過於洋匠而工資不及一半每年節省既鉅異時籌款稍覺從容從此精益求精庶幾機器精良軍儲充裕自可奪外人之長技不致見絀於相形此則微臣創辦時所不敢料而深幸以後之所謂自強者於此真得實際自可期日新而月盛也至該局員等或創辦重大工程或轉運外洋機器以及萬年青輪船官弁歷涉重洋承運迅速不無微勞足錄其尤爲出力各員可否援照滬局輪船廠工告成請獎成案仰懇

天恩容

臣

擇尤酌保數員奏請獎敘則各該員弁益當感

激奮發如蒙

俞允臣當悉心酌核清單無敢稍涉冒濫所有創設機器局規模全備各緣由謹恭摺具陳伏乞

皇太后

皇上聖鑒訓示謹

奏

機器局用款報銷摺

光緒二年十月初三日

奏爲謹將山東機器局用過銀兩數目援案據實繕具簡明清單懇

恩准銷恭摺仰祈

聖鑒事竊

臣業將山東機器局規模全備各緣由奏報在

案臣維東省設局省城距通商口岸較遠購運外洋機器雇募熟手工匠非比津滬各局之便需費必多臣於開辦之初深慮耽延日久糜費不資因嚴飭在事各員力求撙節迅速蒞功今幸辦理未及一年締造經營始基完固所購機器不惜重資務求精良適用而動用款項僅及原估之半誠以杜絕侵漁則用款皆歸實際綜覈名實則冗食

不致濫竽臣復不時親往工次稽考課程在事各員亦復始終奮勉是以程工迅速而需費較省也總核該局用款上年十月間經臣提撥藩庫銀八萬兩以備定購機器暨甄瓦木石各料之用本年二月因購買民地需款給發經臣於糧道庫零星湊撥銀一萬九千八百餘兩嗣因機器到滬剋期付價於八月間續由糧道庫撥銀五萬三千兩藩庫撥銀一萬四千兩先後奏明各在案茲因機器價值運費尙屬不敷又由臨關項下添撥銀二萬兩一律可以清結統計自光緒元年十月起截至本年九月底止共計收藩庫銀九萬四千兩糧道庫銀七萬二千八百兩臨關銀二萬兩統共支銷銀十八萬六千八百兩此東省開局

建廠造房購器實用之款項也溯查各省創辦機器以來
蓋造廠房皆與應用之機器配合始可聯絡運動而水火
之力旋轉迅疾終日動搖稍不堅實卽虞傾圯不得不仿
照洋廠式樣以期鞏固迥非尋常他項工程可比至廠內
各種機器均係購自外洋件數繁多名目歧異尤無例案
可稽是以津滬各局歷次報銷均蒙

恩准免其造冊今東省創辦機器局事同一律而收支各
項銀兩數目臣詳加查核並以津滬各局用項比較節省
極多委係實報實銷絕無絲毫浮冒今廠局已將竣事臣
應將經手用過款項謹援照津滬各局成案據實繕具簡
明清單恭呈

御覽仰懇

天恩俯念創辦之始機器一切均係購自外洋卽廠房亦係仿照西式造辦無例可循

准其照案造報開銷以清款目他項不得援以爲例除分咨總理衙門暨戶工二部查照外謹恭摺具陳伏乞

皇太后

皇上聖鑒訓示再該局製造外洋軍火所有一切槍礮各項成樣亦須師法津式爲數旣夥用款亦多未便瑣碎奏撥係由臣於南北運餘利項下隨時陸續籌撥應用此款原係臣自行籌備本省辦公之款與庫儲毫無關涉自可無庸開報合併聲明謹

奏

謹將山東創設機器局蓋造廠房購置機器收支銀兩總數援案繕具簡明清單恭呈

御覽

計開

收款項下

一收藩司解撥銀四萬兩

一收藩司解撥銀四萬兩

一收糧道解撥銀一萬九千八百兩

一收糧道解撥銀五萬三千兩

一收藩司解撥銀一萬四千兩

一收臨濟關解撥銀二萬兩

以上共收銀十八萬六千八百兩

支款項下

一購買廠基地畝共支銀一萬九千八百兩

二蓋造各廠房共支銀五萬二千五百十八兩六錢

三購買機器共支銀十萬八千二百九十四兩七錢

一委員司事薪水等項共支銀二千六百九十三兩二錢

一轉運車船腳價等項共支銀三千四百九十三兩五錢

以上共支銀十八萬六千八百兩

保獎機器局員片

光緒二年十月初三日

再臣查洋人製造之精全恃苦思力索糜費不貲始克成爲絕詣中國踵而行之彼創我因原屬事半功倍然非專門名家洞悉奧窔往往循迹象而遺神明卒不能得其要領甚或因人成事多爲洋商所愚徒滋糜費至製造軍火諸器各國尤恃爲不傳之祕卽任購買亦往往以舊式及用贖不堪之物搪塞不肯輕以利器授人查該員徐建寅前在滬局考核多年繙譯各種書籍於化學機器槍礮軍火講求有素而於中外情形尤爲熟悉前經總理各國事務衙門暨臣先後奏保在案此次承辦東局機器一切皆係自出心裁繪圖定造器精價廉毫無浮冒洵屬心思縝

奏稿卷十二
密精力兼人而其綜覈名實條理精詳尤爲不可多得至
會同辦理之濟東泰武臨道薛福辰心思精密於機器洋
務頗能講求而事事踏實此次造廠購器各項極力撙節
省費較之他局幾至數倍查徐建寅係道銜候選郎中當
此需才孔亟自應奏懇

恩施量子錄用現東局規模業已全備應資該員一手竣
事可否俟該局製造軍火要需著有成效卽由山東撫
給咨送部引

見候

旨錄用濟東泰武臨道薛福辰可否

賞給二品頂戴之處均出自

逾格鴻施謹附片具陳伏乞

聖鑒訓示謹

奏

請獎曾昭吉片

光緒二年十月二十三日

再臣前奏請設機器局製造軍火誠以軍火爲

國家禦侮之資自洋人槍礮精利遠過中華迄今各路軍營皆競用洋槍此不得已而變計也然變則貴通通乃可久中國知用洋槍而不能自造洋槍非受制於洋人卽受騙於洋行非計之得者也臣此次立局意在自出心裁不使外洋一人夾雜其中期於力求爭勝自得候選郎中徐建寅總司局事一切規模大備無一事假借洋人業經恭摺奏報在案惟臣於徐建寅之外又據臬司陳士杰述及該司同里之候選通判曾昭吉一員深通機器堪以試用當令招致來東臣接見其人樸訥似不能言詢之外洋各

項機器則云向未經見而自能冥心獨造

臣當以現在英

人所稱極好之槍名爲亨利馬氏呢者與之閱看詢其能

否仿造則略無難色

臣

謂此槍爲外洋第一利器現尙無

外洋此項機器恐製造不能有成該員則謂機器亦可意

造何必盡求之外洋

臣

且信且疑卽酌給經費令其自造

機器照式製造未及兩月竟造成一百二十餘桿以之比

較馬氏呢其靈巧捷便毫無異致

臣

復以兩槍相對演放

其及遠與馬氏呢等而出聲之響入靶之勁似有過之至

詢以製造格林等礮則云更易爲力

臣

又考其製造機器

並製槍所需之煤鐵價值工匠辛金極爲減省查英人馬

氏呢之槍機器最煩其作法爲該國最巧之工其致用爲

外洋極上之器而曾昭吉憑空創造竟與相等能作此槍則凡外洋之機器均無足爲其所難矣至購買馬氏呢槍價值前經福建撫臣丁日昌開單交臣每桿實需價銀二十四兩六錢不能短少分毫今曾昭吉所造每桿計僅價銀十兩有零較之購買外洋者已省銀十四兩數錢而精利相敵是其器精價廉足見該員於機器製造不惟得其要妙實可見諸施行從此精益求精以後無難爭勝查洋人於機器一事自以爲獨絕一時今該員曾昭吉心思精妙言之必行不惟製造不假借於外洋並製造之機器亦不假借於外洋實爲開局以來所未有合無仰懇

天恩俯准將候選通判曾昭吉以同知選用以示優異俾

其益加振奮於鼓舞人材大有裨益至該員所造之槍臣
擬入都時隨帶二十桿咨送軍機處暨總理衙門查驗用
昭核實謹附片具奏伏乞

聖鑒訓示謹

奏

四子體成中式舉人謝

恩摺

光緒二年十月二十四日

奏爲叩謝

天恩仰祈

聖鑒事竊

臣接閱貴州撫

臣咨送本科文闈舉人名冊得

悉

臣子

體成由捐職郎中應本省鄉試中式第十名伏念

臣

黔陬下士猥蒙稽古之榮施山左備員愧乏纖塵之小

效薪傳誠鮮夫貽謀葵傾彌期於世守

臣子

體成質原椎

魯業勉勵夫三餘學類管窺文未嫻夫六藝忝附末名於

桂籍實荷

盛世之栽培

臣

惟有劬

臣子

以通經淹貫無荒蛾術之精

勤植品端方稍答

鴻慈之高厚所有微臣感激下忱謹恭摺叩謝

天恩伏乞

皇太后

皇上聖鑒謹

奏

調會昭吉赴蜀片

光緒二年十月二十四日

再山東所設機器局有徐建寅一員總理自能漸推漸廣措辦可日期起色惟臣現赴川省聞該省各勇營亦皆習用洋槍均須購自上海洋行價值既費而道路轉運費益不貲並恐不免有受洋行欺騙之事且聞所用洋槍均不知修理之法但使稍有損壞則一槍所值十餘金頓成棄物又須另爲遠購糜費尤不可計臣擬將候選通判曾昭吉帶至川省查看情形令其自辦機器製造俾各勇營槍礮舊者可以整之使新新者可以不必遠購於外洋而得用亦與外洋相等庶可爲

國家省無窮之費謹附片具奏伏乞

聖鑒訓示謹

奏

頒賜 御製詩文全集謝 恩摺

光緒二年十月二十五日

奏爲恭謝

天恩仰祈

聖鑒事竊

臣

據駐京提塘恭齎

頒賜

御製詩文全集二函到

臣

當卽恭設香案望

闕叩頭敬謹跪領欽維

穆宗毅皇帝武功赫燦

文德光昭

隆孝治於勳華

翠旄奏雅

煥上儀於繼述

紫綽宣仁

括六義以言情著惕厲憂勤之意
綜百王而論古極是非褒貶之公

龍文與日月同明

鳳藻偕雲霞並耀我

皇上繩承念篤

續紹情殷稟

謨烈以綏猷

心法卽爲治法

資觀摩以懋學

見知更切聞知爰輯

崇編永昭

貽訓

臣

識慙禱昧學陋管窺沐

先朝知遇之恩讀

遺章而倍深悲感荷

聖主寵頒之逮捧

宸翰而無任光榮所有

微臣

感激下忱理合恭摺叩謝

天恩伏乞

皇太后

皇上聖鑒謹

奏

頒賜 欽定勦平粵匪擒匪方略謝 恩摺

光緒二

年十月二十五日

奏爲恭謝

天恩事

竊臣

接據駐京提塘齎到

恩賞

欽定勦平粵匪擒匪方略兩部當卽恭設香案望

闕叩頭祇領欽維

文宗顯皇帝聖敬日躋

智勇天錫折箠策以

威八表敷衽席而

奠兩儀固已宗基磐固疆索丕安矣屬以神州康阜邊陲

萌芽狸嘯鴉鳴始則盜兵於百粵猴冠蟻國繼且負固於
三吳赤眉青犢偕銅馬以稱戈飛燕白波共黃巾而樹幟
豺頑當道螢燭焚林俶擾者萬方披猖者厯稔

皇怒斯赫

天威誕將

虞陞遲三苗之格

軒弧申九伐之經河魁應將桎貳負以歸朝并鉞森芒血
溫禺而覺社蓋

神謀之預定洵

廟算之無遺

穆宗毅皇帝虹壁當陽

龍圖繼統

兩宮垂訓六幕同文

媯簣幹化

懿謀彰撻伐之威

舜戚揚休

神策底平成之績韋旣伐而願亦平

濬哲纂

放勳之業

文克開而

武克受

紹庭率

昭考之規

三矢告虔

壹戎大定肇修軍志臚紀

宸謨踵

累朝金匱之成書奏律署黃神之凱樂釐

鴻文爲七百卅卷頌

神武於億萬斯年

皇上迪光纂業

襲慶提釐

慈訓恪承用式

德音之化

耿光克覲並揚

大烈之勳

臣

蠡測無從豹韜未悉讀貞觀之政要勒悟溪

之頌聲竊喜

紫極明順瞻

禹甸之重光

黃輿乂安告

炎符之上瑞所有

後臣

欽抃感幸下忱理合繕摺叩謝

天恩伏乞

皇太后

皇上聖鑒謹

奏